

礼忏文 1 卷

No. 2855

礼忏文

窥着地两手抱昧□□□□□□□□□□恭莫以散乱等闲心一心专□□□□□  
□□可是轻处若不止诚殷重□□□□□□□□降赴亦不摄授启请亦□□□□□□  
□□□灭却得轻慢罪当须懃□□□□□□□□思冷水如病等良药医治而得差□  
□□弟子某乙等一心归命十方三世尽虚空界诸佛世尊大慈悲父怜念众生不舍  
本愿不舍慈悲。如是诸佛以于无量无数大劫广行一切难自利利他难行苦行。  
为我等辈舍头目髓脑血肉身分国城妻子象马车乘金银七宝衣被饮食卧具医  
药。来求索者悉皆施与。无有悋惜心生欢喜。勇猛精进修行六度。布施持戒  
忍辱精进禅定智慧方便愿力诸波罗蜜。十二部经甚深正法。初善中善后善。  
其义深远其语功妙。纯一无杂具足精白梵行之相。从依诸佛清净证智同一觉  
持之所留立。若有众生受持一四句偈。胜异恒沙身命布施。十力无畏大悲三  
念四无所畏四无碍解大慈大悲大喜大舍一切神通一切相好一切功德一切智慧  
一切万行悉皆修学。三乘三藏无漏无为五种净眼六种神通功德智慧已圆满。  
以归成无上正等菩提三十二相八十种好金刚不坏坚固之身法身常身及以化  
身。三界六道拔济众生。众圣之王天上天下最尊最贵无能过者无与等者。称  
天人师大慈悲父。常以方便无量慈悲喜舍度脱一切苦恼众生。令得涅槃久境  
安乐。若有归依恭敬供养称扬赞叹。若闻其名若覩其形。烧香礼拜旋遶行  
道。所生功德无量无边。过于须弥深于巨海。等观众生由如一子。普皆平等  
无有爱憎。与诸众生作出世因。于我等辈有大恩得有大利益。是我等真归依  
处真善智识真实福田。百千万劫难得待遇。百千万劫赞扬难尽。我等今日深  
生惭愧深生渴仰深生欢喜深生爱慕深生珍敬深生成贺深生恭敬。愿弟子等所  
具罪障当得消灭 一遍福母稽请赞叹。诸佛身中功德早以由如何写。一种所  
具罪障早以消灭。稽请以了至诚忏悔 今对诸佛贤圣前。深自克贵悔过。改  
往修来。至诚彻到披肝路胆。痛切悲哀悲泣流泪。至诚发露忏悔。所有轻罪  
重罪悉皆消灭。由如衣服多有垢膩。若欲洗浣入严灰。一洗垢膩俱尽。然将

清水再择便得鲜洁之衣。忏悔亦复如是。造罪得罪忏悔罪灭。即是清净功德之身。耸身跪[跳-兆+国]右膝着地。莫左膝着地。合掌当心深生渴仰。

弟子某乙等。合道场人一心。归命十方三世尽空虚界一切诸佛诸大菩萨摩訶萨众。大慈大悲怜愍弟子摄授弟子不舍弟子拥护弟子拔济弟子度脱弟子救度弟子加备弟子饶益弟子接引弟子救济弟子哀愍弟子受弟子。□所佛忏悔。从无始时来乃至今日。身处凡夫具足烦恼。被贪嗔痴无量烦恼覆没三业迷惑三业不善三业。贪嗔嫉妬我慢贡高不仁不义不敬不崇。于父母所不行慈孝。发言应对邪睛努目。令生怨恨令生苦恼。恼乱父母不自觉知。或于兄弟姊妹六亲心无恭顺不行孝义。或于乡间朋友智识四邻并舍。常相侵欺常相说道常相谤讥。或盗用三宝一切财物。借贷不还。滯巨债负。十恶五逆无间重罪。起大邪见拨无因过。破塔坏寺焚烧经像。谤三乘法言非佛说。障蔽依难凌蔑上下。打骂大小因公约私。造诸罪障破斋破戒。骂辱师僧谤讥贤圣。轻凌道俗身三口四意三□等。身作不善行。行杀盗淫。口作不善行妄言绮语。两舌恶骂。意作不善行贪嗔邪见。常夜常行十不善业。一切罪障无量无边。或于庄园溉灌渎田。损杀虫蚁扑灭蚊虻。□害虬虱。财施法施常生悭惜。不济所须。见人有苦不能相救。不生慈愍不起慈悲。却生庆快。见弟安乐见有胜己不生随喜。乃至嫉妬心行不忍。无慈无悲无惭无愧。心怀惨毒由如虎狼。由如罗刹寺舍往来。践踏污泥饮酒食肉无厌无足。及食五辛及食五辛韭蒜熏秽凡圣。或于市强贪心求利。轻秤小计种种方便劫夺众生。损于平人。恶求多求取人财物不自觉知。杀生无量断大慈悲。偷盗无量弃人财宝。邪行无量污净梵行。妄语无量欺诳一切。贪欲无量心无厌足。两舌无量□乱和合。恶口无量骂辱凡圣。绮语无量喜弄正法。嗔恚无量打骂众生。广造诸罪无量无边。见有修行作诸善业。往来寺舍礼拜三宝。修持斋戒读诵经典。发菩提心行菩萨行。坐禅修道作诸功德。不能相助不能随喜。不能相劝不能赞叹。却为遮障却生谤讥。却相调弄破除众生修出世因。令修行人□害众生人天眼目退菩提心。作大怨家作恶知识。道相牵挽堕三恶道。经无量劫受地狱苦。从地狱出纵得人身。盲聋暗哑诸根不具。或生边地无佛法处。不知礼义不识善恶。共同禽兽生邪见家。广造诸罪还堕地狱。无量劫难得解脱。是故今日对十方诸佛十二部经诸大菩萨摩訶萨众缘觉声闻罗汉圣僧释梵四王龙天八部冥官业道一切灵祇天眼远见天耳远闻他心远知神通诸贤圣前。证知弟子今日今时深生怕怖深生厌离深自觉悟深自改悔深生克责深生惭愧不敢覆藏。从今已往改住修来更不敢造所有罪障。若多若少若轻若重今日今时一念之中一切罪障尽皆消灭。

唯愿十方诸大慈尊证知护念。我今忏悔不复更造。愿我及一切众生速得除灭。无量劫来十恶五逆四重。颠倒谤毁三宝阿阐提罪。复应思惟如是罪性但从虚妄颠倒心起。无有真实而可得者本唯空寂。愿我及一切众生速达心本永灭罪根。忏悔已归命礼三宝。

---

**【经文信息】** 大正藏第 85 册 No. 2855 礼忏文

**【版本记录】** CBETA 电子佛典 Rev. 1.8 (Big5)，完成日期：2009/04/23

**【编辑说明】** 本数据库由中华电子佛典协会（CBETA）依大正藏所编辑

**【原始数据】** 萧镇国大德提供，陈妙如大德输入，北美某大德提供

**【其他事项】** 本数据库可自由免费流通，详细内容请参阅**【中华电子佛典协会数据库版权宣告】**

---